

瘍

醫

大

全

瘍醫大全卷三十八

蕪湖顧世澄練江氏纂輯

增錢之栢東陽

男 燧燮用和

全校

蛇虎傷部

凡蛇虎虫狗蜈蚣蝎蛛鼠齧皆彙於此部中以便檢

閱叅治

馬汗瘡門主論

凡患瘡人因騎驟馬沾其涎汗毒入瘡中焮腫疼痛  
名曰馬汗瘡

馬汗瘡門主方

驗方

冬瓜皮煎湯洗

又方

絲瓜葉煎湯洗

又方

冬瓜皮乾爲末敷之

又方

啓玄

用製栢散敷之

馬疔門主方

驗方

皂角子燒灰香油調搽卽追出毒氣矣

又方

薄荷汁塗之

馬咬及踏傷

服童便韭汁

又方 集驗

寒水石研敷傷處旬日自愈

馬咋踏人

割雞冠血點嚙處日三次

牡馬用雌雞冠  
牝馬用雄雞冠

又方

馬鞭稍三寸鼠屎十四粒煨灰猪油調搽

又方

婦人月經搽

又方

人糞煨

馬糞煨

為末猪油和搽

虎咬



虎咬門主論

雷直君曰世人被虎咬傷血必大出其傷口立時潰爛其疼不可當急用猪肉貼之隨貼隨化隨易急用地榆一筋苦參四兩三七根三兩研極細摻之隨濕隨摻血卽止痛卽定蓋地榆涼血苦參止痛三七止血合三者之長故奏功實神

秘錄

凡人遇虎不死必傷傷必潰爛虎之見人如貓捕鼠先有毒涎噴人人始昏憤

陳遠公曰人遭虎傷流血必多大凡虎傷多在頸項



必有深孔兩個或四個其孔一時即變黑色急以生豬油塞之無則以生豬肉填之隨填隨化庶不再腐所傷之內然後急買地榆半觔爲末敷所傷處血卽頓止隨用湯藥以止渴蓋虎傷流血必多而虎又有熱毒直來犯心故口渴甚萬不得已可與小便飲之急投治虎湯三七根末地榆各一兩黃芪當歸麥冬生地各三兩水十碗煎恣其飲完必安然而臥明日傷處大癢又一服又臥如是五日瘡口生合而愈

永鑑

此方大補氣血以生肌用地榆化虎傷毒  
三七根止血歛口藥料無奇收功實神

王御曰凡虎咬多服生薑汁或自尿淋洗或人尿淋

洗傷口以白礬末敷之

虎咬門主方

驗方

直香油灌之外以香油洗之

又方

搗青松汁數斗頻頻飲之以渣敷咬傷處頻易卽效

熊虎瓜牙所傷毒痛

燒青布薰瘡口毒卽出仍煮葛根汁令濃洗瘡一日十次再搗葛根爲末煎葛根汁調服方寸七每

日五次甚者夜服二次

又方

嚼栗塗

又方

煮生鐵令有味洗瘡

又方

雄黃 硫黃

紫石英 各等分

共研細末搽之

蛇傷



卷三十八

蛇傷論

顧氏秘書

蛇傷門主論

陳遠公曰人被蛇傷不拘何處或上或下腹脹如箕  
三日不救毒氣攻心必死蛇乃陰物傷人最毒治  
以解毒爲主惟是蛇毒乃陰毒也若以陽毒解之  
則毒愈熾必用陰分解毒之品順其性而解之也  
祛毒散白芷紫花地丁蒲公英各一兩夏枯草二  
兩生甘草五錢白礬三錢水煎服一劑腫漸消二  
劑毒從大小便而出三劑全愈

冰鑑

此方白芷雖陽分之藥得夏枯草則陽變爲陰地  
丁公英甘草白礬盡消毒之味又且屬陰陰變以

化陰毒自易奏功助白芷直攻蛇毒無留存之害也或問解蛇毒既不可用陽分之藥何以又用白芷不知蛇毒非白芷不除世人不善用之所以有不效者今用於陰分之中自無不效矣何可舍白芷反致無功乎或問雄黃亦制蛇毒何不用之不知白芷陽中有陰不比雄黃純陽也雄黃外用可建奇功內用每至債事不若白芷用陰分之中可建全功耳

諸蛇有毒惟土虺蛇最毒咬人不急治則死

凡蛇誤入人孔竅內卽以針刺其尾不過二三針則自褪出

丹心云制蛇毒用雄黃末人參湯調服

綱目云人卒爲蛇繞不解以熱湯淋之無湯則令尿

之卽解

凡毒蛇咬用針刺傷處出血急用繩紮兩頭浸糞缸  
內毒不內攻

若毒走腫痛者用麻油紙撚焰薰之再用解毒紫金  
丹一錢酒磨服之取汗



蛇傷門主方

毒蛇咬

急於咬傷處上下紮緊使毒氣不走散食蒜飲酒  
令飽使毒氣不攻心更搗蒜敷傷處加艾圓灸之

又方

五靈脂

一兩  
水飛

雄

黃

五錢

研極細末用無灰酒調服二錢滓敷患處忌人

參

又方

黃荳根上有一白豆取來口內嚼爛敷之

又方

川貝母爲末酒調儘醉灌之少頃酒自傷處化水  
流出候水出盡以揸敷咬處垂死可活

又方

明雄黃共蒜搗敷內服白芷護心散

白芷護心散

治毒蛇蜈蚣咬

明雄黃

炙甘草 各五錢  
白芷 一兩

滴乳香 去油三錢

共研細每服四錢酒調服

又方

水洗淨膿腐易水數斗拭乾用鴨嘴礮白芷麝香  
各等分研末敷之

又方

五靈脂 白芷 各五錢 明雄黃 三錢

滴乳香 去油 沒藥 去油各五分 甘草 二錢

麝香 三厘

水酒各半煎服其搗敷毒蛇咬處起死回生

又方

半邊蓮藤葉

一名金錢草

用唾津揉洗並敷咬處立愈

諺云有人認得半邊蓮終朝可伴毒蛇眠

又方

柏子樹葉不拘多少冷水搗爛洗過又搗敷上三五次可愈如咬破潰爛用鳳尾草搗如泥如上即收口如不爛者不必用

又方 集驗

白礬銕化乘熱滴傷處痛立止毒氣卽趕出

毒蛇及諸色惡蟲咬傷毒氣入腹者

蒼耳草嫩葉搗汁灌之將搯厚敷傷處

土虵毒咬 孫真人

令婦人對咬處尿尿澆之以尿洗之

毒蛇瘋犬咬傷 孫真人

人糞塗咬處極妙 新糞尤佳 諸藥皆不及也

毒蛇咬

用糯米半升揀去半粒者勿用令家內男婦衆人

嚼爛敷上少停咬處便有黑氣冒出隨又換敷卽  
出紫黑血水其腫自消其痛自止

蛇咬

採鮮大藍葉搗汁或小藍葉搗汁調乳細雄黃末  
敷之

蛇咬

紫金錠酒磨服一錠多飲爲妙取汗再用紫金錠  
磨敷咬處

又方

黃荳葉搗爛敷

蛇咬毒走腫痛

蔴油紙燃烟薰之

毒蛇咬

烟袋燒熱滴油搽之百試百效

又方

用泥蛤蜊搗爛敷咬處卽好

又方

白芷末壹兩開水調下死者立生

蛇咬爛入骨者

白芷 壹兩 膽礬 五分 麝香 三分

乳爲細末日日摻之立愈

赤煉蛇咬

用活公雞刀割一塊貼之換貼兩三塊自愈

毒蛇咬

穿山甲 炮 廣木香 各一錢 五分

研細末熱酒調下

又方 捕蛇師



全 蝟 二個研 蜈 蚣 一二條炙

研勻酒調下立愈

又方 抄本

北細辛 白 芷 各五錢 雄 黃 五分

研細每服二錢酒調服

蛇咬方 周錫仙

雞蛋三個敲破蛋頭合在蛇咬之處聽蛋內有聲  
變黑色再用一個合之俟蛋內色變黃白不甚黑  
再用一蛋合之自愈不疼極妙良方

又方

蒲公英搗爛貼上卽愈

又方

廣木香不拘多少水煎服效不可述

解毒散

治一切毒蛇並獸所傷重者毒入腹則眼黑口  
噤手足強直此藥平易不傷氣血大有神效不  
可以其易而忽之

白礬甘草各等分爲末每服二錢不拘時冷水調

下更敷傷處

毒蛇咬傷跌撲不起將死者

香白芷

搗末

麥門冬

去心

好酒煎服良久有黃水自傷口出俟水盡腫消皮合仍將藥搗搗爛敷

水蛇刺傷

莧菜根順搗滾酒泡以碗蓋之熱飲取汗爲度搗仍敷咬處

毒蛇咬

烟袋內油塗四邊腫處卽消切不可塗咬傷孔內

又方

藍葉搗汁調雄黃末敷之

又方

雄黃一錢生礬二錢杓內融化將筋頭蘸藥點傷處冷則易之連點七次

又方

櫻桃葉搗爛塗患處搗汁飲之毒不內攻

又方

半枝蓮搗爛取汁二兩熱酒四兩和汁服取汗搗  
敷傷處更妙

又方

陰乾蒼耳草五錢水煎一鍾熱服取汗

又方

灸油梳令汗出熨瘡口

又方

雄黃末敷日用三四次

蝮蛇螫人

燒蜈蚣研末搽

又方

北細辛

雄

黃

各等分

研細搽傷處並治諸蛇及虎傷俱效

救蛇入口門主方

壓着蛇入口中拔之不出

先將快錐橫刺蛇尾即將刀剖尾以川椒數粒納入纏定自然退出





辟諸蛇門主方

驗法

但燒羚羊角令烟出蛇卽去矣

又方

燒雄黃祛之

又法

乾薑生麝香雄黃等分搗勻用小絳囊盛之男左女右佩帶則蛇遠辟 如人遭蛇傷便以此搽之

如無麝香卽以

射岡和佩之

狗咬



卷二十八  
顏氏必書

癩狗咬人論

陳遠公曰癩狗傷者人必發癩有如狂淫世人以生  
小拘於腹中此誤傳也因如發狂有如狗狀見人  
則咬逢女則騶非狗生腹中不宜有此景象况人  
爲癩狗傷二便必閉不能遽出二便用力虛努似  
生產艱難且外勢急痛腰腹作脹而死人以爲腹  
中有狗不能產而死腰痛者乃小拘內咬也豈不  
可笑此乃狗誤食毒物而發癩人但一咬人則毒  
氣染傳於人狗愈人死可畏之證也然治之得法

毒解病去如掃矣夫犬性最熱狗食物發癩乃食  
 熱物之故或食自死之內或殮熱病之屍多成癩  
 病然則狗之發癩乃熱上加熱也解其熱毒何不  
 愈之有但人不知解法所以不救耳予逢異傳名  
 活命仙丹木鱉子三個切斑蝥七個陳土米一撮  
 劉寄奴大黃茯苓各五錢麝香一分各研細末和勻每  
 服三錢黃酒調服毒氣全解神方也不必二服七  
 日者奏功七日外者多服數次忌色慾二月並忌  
 發物餘無所忌 水鑑

是方用木鱉斑貓者以狗最畏二物木鱉大涼又瀉熱毒得大黃迅掃之則熱毒難留寄奴善逐血走水竅茯苓利水引毒從小便而出麝香亦走竅用之不過制斑貓木鱉之毒又何畏癩犬之傷哉人被犬咬傷卽煩躁口乾小便澀頭頂中有紅髮數根急急拔去輕者用天南星防風各一錢五分研細以酒調服重者用斑貓五個去頭尾翅足以糯米合許同炒黃色去米將斑貓研末酒一杯煎半杯空心溫服從小便行下惡物如小狗狀必待小便清白方爲毒盡如毒未盡須再服之咬處輕者則以栗子嚼敷或紫蘇葉嚼敷重則必用男子熱

糞敷之冷則更易待大勢將定卽用乾人糞燒灰  
麻油調敷

澄

曰瘋犬者乃朝夕露臥爲四時不正之氣所侵陰  
陽肅殺之氣所感故舌出涎流頭低耳垂目紅尾  
拖急走無定多見於春末夏初之間人被咬傷卽  
煩躁口乾小便瀉痛最爲難救

狗咬門主方

驗方

防

風 六錢五分

牽牛

大

黃

各一錢五分

雄

黃 一錢三分

麝

香

一分五厘

斑

貓

去頭足糯米炒五分

共為末温白湯調服三錢有血絲從小便出即

愈如未愈可再服三錢必效再用虎骨醋炙研

末陰陽水調服三錢除患

又方

斑

貓

九個去頭足翹入糯米二合全炒

硃

砂

滴乳香 去油

沒藥 去油

明雄黃

血竭

兒茶 各二分

共為細末每服二分空心黃酒調服

游源散

治瘋犬咬神驗但服此藥切忌飲酒食猪羊等肉鷄鵝魚蝦一切發物仍忌房事一百二十日終身不可食犬肉如誤食犬肉後必再發則無藥救矣

斑

貓 七個去頭足翅



研末温酒調服於小便桶內見尿沫如狗形爲效雖無犬形亦不再發後用辰砂益元散一兩煎服解之

又方

杭粉一錢

斑

猫

七個去頭足翅全糯米炒黃色去米

研勻空心酒調下卽解如小便痛服甘草稍湯自利

又方

急以人便下熱糞塗之極驗

又方

荔枝肉貼咬處其痛立止

又方

明雄五錢

杏

仁

去皮尖炒  
一百粒

共研細虎骨煎酒調服二錢咬處卽以此藥敷

又方

杏仁砂糖各等分搗敷

又方

桃樹頭搗敷

又方

舊錫器刮下錫末放咬處

又方

元眼核去外漆皮煨灰搽

又方

洋糖全荔枝敷咬處腫痛立止

又方

孫真人

刺蝟皮頭髮各等分燒灰水和飲一杯口噤者折

齒灌之

又方

虎骨煨存性研末摻之

定風散

羅太無

治瘋犬咬先口嚼漿水洗淨用綿拭乾貼藥更

不再發大有神效

生南星

防風

各等分

共為細末乾上再下潰膿功難盡述

濟世方

治癩犬咬先用人溺洗去血水再用核桃殼半個

將極乾人糞填滿罨於傷處外以艾於核桃殼上  
灸十四壯卽愈永不再發

### 瘋犬咬

急於無風處捏去惡血孔乾者鍼刺出血鹽湯洗  
淨搗葱貼上用糯米一撮番木鱉半個切碎斑貓  
七個去翅足若過一日多加一個連前藥炒黃去  
斑貓不用研末酒服細看頭有紅髮拔去忌房事  
並忌鑼聲終身忌食犬羊肉

### 家犬咬

感應篇

先須忍痛以河水洗淨血水爲主刮生虎骨末摻  
咬處

家犬咬 感應篇

刮肉店砧板上油膩拌砂糖敷

又方

鼠糞搗爛敷之卽止痛

瘋犬咬

川連

虎脛骨 各三錢  
甘草 一錢

番木鱉 三個

先用蘇油四兩將藥煎汁服下將渣再入生酒煎服飲醉取汗忌鵝犬羊肉七日餘不禁

又方

青布煎汁三升服

又方

飲驢尿一二升良

又方

梔子皮燒灰 石硫黃各等分

共研細敷一日一換

家犬咬如傷不甚重

搗栗子敷

家犬咬

紫蘇葉搗敷

瘋犬咬其入頭頂中必有紅毛幾根急急拔去用男子糞葉煎冷則更易待大勢將定卽用男子乾糞燒灰藤油調敷

犬咬

用水洗瘡任血出勿止仍洗勿住手俟血止帛紮



緊

又方

嫩蒼耳草葉搗汁

如無用乾者一把

酒水同煎五分熱服

又方

白礬七分

柞木鱉一個

共為末分三服先用水服後二次用酒服

又方

斑

蝥

七個去翅足研細

酒調服令小便於盆內見沫似狗形不再發

又方

野菊花

香附

小兒胎髮

炒斷

研末酒服儘醉

又方

不見日色瓦上青苔刮下敷咬處

猪咬門主方

驗方

松脂熔化作餅貼之

又方

屋霪中泥敷

猫咬門主方

驗方

薄荷汁塗之

鼠齧門主論

鼠齧傷手足及肉最難愈何也因其齒細而長上有毒黃能傷筋骨故也

鼠嚙門主方

驗方

宜用猫洗其毒去其血再以猫屎填傷處

又方

集要

斑毛燒灰射香少許津唾調敷

又方

猫毛燒灰加麝香少許唾津潤敷

又方

香椿樹皮搗汁一酒杯和黃酒喫下毒氣自消

蜈蚣咬門主方

驗方

雄雞冠血塗咬處

又方

取大蜘蛛放傷處吸去其毒卽愈隨投蜘蛛於水  
內令吐出毒氣以全其命

又方

新竹一段放火上烘出漚取漚搽之止痛

又方

頭垢搽之痛立止

蜈蚣叮咬其痛切骨或渾身麻木

雄黃末熬香油紙條點火燻其咬處其痛立止

蜈蚣蝎子咬

薄荷葉研末搽咬處立止

又方

蟾酥丸水磨塗

又方

燒鉄刀頭令赤置白礬於刀頭上化汁乘熱將礬



汁滴於被傷之處立瘥

又方

手指探入雞喉內取雞口內涎塗之立愈

又方

取雄雞嘴對傷處吸吸盡毒雞嘴自去

又方

雞蛋一個輕敲一小孔合傷處立效

又方

木梳齒內垢燈上燒油滴傷處立止

又方

人頭垢封傷處立效

又方

細嚼香附塗之立效

又方

五靈脂

炒令烟蒲盡五錢

黃

炒二錢

共研細醋調塗傷處立效

又方

獨頭蒜擦咬處痛立止

又方

燈心蘸香點着向患處燂數下

祛蜈蚣法

凡人家蜈蚣多可用頭髮燒烟或床下或廚房蜈蚣聞之入土三尺

蜈蚣咬

草紙捲點着隔着錫片薰之熱氣透入其痛卽止  
又方

趕雄雞令走急然後以雞嘴氣呵之不過二三次

卽好

又方

桑葉搗汁敷

又方

燒頭髮烟薰之

蜈蚣蝸螬

生半夏

萆

撥

各二錢五分

生南星

一分

錢五

雄黃

白礬

礬

各二錢

爲末就痛處搽之或醋調敷

又方

甘草雄黃磨菜油搽

又方

草紙捲燒烟薰

又方

蘄艾作小丸放咬處灸之

又方

先用鹽湯洗傷處再用劉寄奴擦之

又方

生薑汁調雄黃搽

壁虎咬門主方

驗方

青苔塗擦內用敗毒散加青苔三錢煎服

又方

桑柴灰水煎滾濾濃汁調白礬末塗之

又方

以清水淋壁上注咬傷處神效

蝎螫門主論

陳嘉謨曰蠍有雌雄兩種雄蠍螫人痛在一處雌蠍螫人痛牽遍體惟聞雞啼其痛漸減

書云凡見一切螫毒之物斷不可起惡念向之亦不得殺之如動此念後必遭螫治亦難愈慎之慎之外臺秘要云余身曾遭螫螫手指痛苦不可忍諸方治之無效有人見余令以冷水漬指並漬手手即不痛水微煖手又痛卽換冷水漬之稍煖又換冷水或冷水浸舊布濕之實有奇驗



吳天麟曰凡蛇蝎蜈蚣咬傷雖有疼痛不可號呼但  
呵呵大笑數聲其痛即可十減其七蓋毒物咬人  
之後聞人號痛彼反爲喜蜈蚣蝎子自將尾鬣搖  
動他動一下咬處卽錐痛一下但聞大笑彼卽氣  
殺澄曾連被蝎螫卽發大笑咬處果不甚痛此亦  
妙法也不可不知

蝎螫門主方

驗方

糞清搽之其痛立止

又方

水膠一條沾水濕之將火熾熱於傷處擦之

又方

草紙捲緊點着以烟薰之

又方

白礬半夏各等分研末醋調敷

又方 啓玄

香油蘸青布撚子點着插在筆管內扣定痛處以烟薰之少刻卽止痛矣

又方

井底泥塗螫傷處乾則再易

又方

新汲水以青布隨痛處搭之乾則再易

又方 古今錄驗

但以木碗合之卽愈

雄蠟螫人一處作痛

井泥塗之乾則再易

雌蠟螫人諸處牽痛

瓦溝下泥塗之若遇天晴可用新汲水從屋上淋下取泥用之

蝎螫

淨官硝

明

雄

各一錢二分

麝

香

一分二厘

研細磁瓶密貯每用少許點男左女右大眼角

聞香痛即止

又方

大蝸牛一個搗敷痛立止

良薑膏

治毒瘡並蠍螫諸惡虫咬

高良薑

穿山甲 各六兩

真麻油二觔浸七日熬枯去渣入炒過黃丹一  
觔成膏攤貼

蝎螫蜈蚣咬

預於五月五日用膠乳香各一兩水燉化攤勻  
紙上剪作小條每用少許水濕貼之立刻止痛

又方

搗蒜塗

又方

礪砂和水塗

又方

嚼茱萸封之

又方

生烏頭末唾和塗

又方

滴熱蠟燭油於傷處三兩次易之

又方

溫湯浸之

又方

嚼乾薑塗

又方

苦李子仁嚼敷

又方

按蛇盤草取汁敷

蜘蛛咬門主論

申斗垣曰蜘蛛咬人中其毒者一身生蛛絲不知人事  
啓玄

蟻蛛咬人其毒最能殺人



蜘蛛咬門主方

驗方 啓玄

艾燒烟薰之

又方 啓玄

羊乳灌之立解

又方 傳信方

大藍汁一盃入雄黃麝香少許搽患處仍服其汁

蜘蛛咬

急以桑柴灰煎取汁調白礬末敷

又方

生鐵衣以醋研汁塗

又方

烏藤油和胡粉如泥塗乾則易之

又方

洋桃葉搗敷

又方

炮薑切片貼

又方

雄黃末敷之

又方

蒜切作兩斷措之或蒜磨地上泥塗

壁蟻咬門主論

本草云壁蟻咬毒人必死宜用桑灰淋濃汁調白礬末塗

聖惠云醋磨雄黃塗

蜂叮門主方

蜂子叮人必有毒刺入肉內務須挑去

好黃酒洗之

又方

生芋梗擦之立刻止痛消腫如無梗用子亦效

又方

青苔擦上痛止腫消

又方

人乳搽之

又方

小便洗擦拭乾用香油搽之

又方

雄黃末摻之

又方

蜂房研末搽之

又方

陽物上垢手捏擦傷處

又方

就螫處地上寫一玉字口中默念金木水火土念  
一字寫一筆臨了念土字寫一點卽取點下之土  
捻起就傷處敷之

又方

蜂房焙爲末猪油調敷

又方

野苧菜搗敷

又方

火紙捲烟薰

又方

香油搽

又方

野苧葉擦

又方

桑樹汁擦

又方

手抓頭垢同鹽擦



蝸牛傷門主論

本草云蝸牛傷人毒氣遍身者宜搗蓼子汁浸之卽  
瘥

蚯蚓咬傷門主論

凡中蚯蚓毒形如大痲瘋眉髮脫落亦有蚯蚓呵傷  
令人發腫

又云蚯蚓咬卽受其毒但夜則蚓鳴於體中爲異耳  
宜用鹽湯頻頻洗之其毒自去

蚯蚓咬傷門主方

小兒受傷

用鹽湯溫洗

又方

鴨血塗之

中蚯蚓毒形如大痲瘋眉鬚脫落

用石灰泡熱水候冷洗患處浸良久愈

楊辣虫辣門主論

楊蠅虫卽楊辣虫又有瓦蠅虫俱能辣人卽令皮膚  
腫痛如火燎一般治以淡豆豉搗敷

又曰瓦蠅虫卽射工乃樹間雜毛虫也人觸之則能  
放毛射人初癢次痛勢如火燎久則外癢內痛骨  
肉皆爛諸藥罔效但用豆豉全清油搗敷少時則  
毛出

楊辣虫辣門主方

驗方

淡豆豉搗敷之辣毛卽出不痛如毛未出仍須再擦之毛出自愈如無豆豉或醋或鹽滷洗之

又方

白芷煎湯洗之

如肉已爛

海螵蛸細末摻之

蠶咬傷門主方

蠶咬

苧麻根搗汁塗之

馬蜚嚙門主論

韓秋巖曰雁山春夏多馬蜚毒物善嚙人流血不止  
以燒竹葉塗之血立止

檀几叢書

八脚虫傷門主論

八脚虫隱壁間以尿射人遍身生瘡狀如湯火傷其痛如烙者是

又曰蠅螻虫一名多脚虫若中尿毒令人皮膚起燎漿水泡痛如火燒初如飯糝漸如荳大宜用益湯綿蘸湯泡上數次卽消



八脚虫傷門主方

驗方

烏雞翎燒灰雞子清調搽

沙蝨毒門主方

沙蝨在水中着人及陰兩日卽着人便鑽入皮裏初  
着有赤點如米

鹽五合水一斗煮一沸漬洗

又方

鹽和麝香塗

諸色惡虫咬傷門主方

驗方

先用薑汁洗再用雄黃明礬研勻搽之

又方

生芝蔴嚼碎塗之

又方

大黃磨水塗二次再用香油紙撚點着薰傷處

百虫入耳門主方

驗方

宜閉口勿言以紙塞耳竅鼻竅只空虫入之耳用  
藤油滴入耳竅中或出或死

又方

猫尿滴耳中其中虫卽出

取猫尿法以生薑  
擦猫鼻上卽淌

又方

韭汁和醋灌入耳中

蜈蚣蜜蜂大虫入耳

用肉炙香安放耳邊其虫聞香自出

又方

火炙桃葉塞之立出

蟬入耳

用蚯蚓入葱內化水滴耳內虫自出

百虫入耳

雞血滴耳或韭汁薑汁滴之皆效

又方

麝香和醋灌入即出

壁虱入耳

稻稈灰煎汁灌入卽隨水而出

百虫入耳

川椒末一撮以醋半筋調灌耳中行二十四步卽出

蚤虱入耳

菖蒲塞之

蜈蚣入耳

雞肉炒香放耳邊卽引出

蜈蚣入耳

生姜汁灌之

螞蟻入耳

穿山甲炒研細調水灌之

蠐螬入耳

羊乳滴入耳內卽化爲水

八角虱門三論

澄

曰八角虱卽八角虫又名陰虱瘡其形如花蜘蛛  
叮於陰毛之上生於前陰毛際其癢如錐內由肝  
腎氣濁生熱兼淫慾失於浣洗二精不潔搏滯而  
成瘙癢難忍抓破色紅中含紫點宜內服蘆栢地  
黃丸主之

又曰此虫最易傳染得此者勿近女子近之則婦人  
卽生此虫不可不慎

又曰亦有髮癬內生八角虱者主其人運氣顛倒



八角虱門主方

陰毛內生紅白虫八脚如虱癢不可忍

磨鏡子泥塗之

又方

生白菓嚼爛塗之

又方

銀硃紙燒烟燻之

髮內陰毛生虱

白部烟筋各等分煎湯洗之

髮內生虱

藜蘆不拘多少研末摻在髮中經宿其虱自死

衣被生虱

白部全衣用滾湯泡洗蟻虱俱絕

髮內生虱

水銀和棗肉研爛塗毡帽上帶一夕盡絕

蘆栢地黃丸

熟地 八兩

丹皮

白茯苓 各三兩

山萸肉

懷山藥 各四兩  
澤瀉 三兩

黃 栢 一兩  
鹿 薈 五錢

煉蜜爲丸每服二錢白湯送下

髮內生虱

白部煎洗立絕

祛臭虫門中

驗方

採鮮繡毬花置床四角其患自絕

又方

晚蚕沙燒床下臭虫化水

又方

羊骨頭燒烟薰卽無矣

但此烟最爛絲紬布帛薰時須將衣帳搬開免破爛

又方

蕎麥楷煎湯淋臭虫卽死

又方

蒼术

番木鱉

潮腦

香白芷

共研末燒酒搗丸蠶豈大每燒一九臭虫即成

皮殼

又方

香木瓜燒烟薰即變空殼

辟蛇蚤門

辟蛇蚤

五月五日採向東桃枝葛蒲根陰乾於十月初一日研末篩簾下卽除根

又方

鮮桃葉展淨晒乾研末先鋪葉末後洒微水立除

祛蠹門主方

祛蠹法

水銀勒綿線繫腰間卽去

又方

白部煎湯洗衣蠹俱成殼

又方

白草搗碎漿衣

祛蚊門主方

治蚊由

鰻魚骨即他種的室內燒之致化為水

又方

端午午時用金墨一錠放蝦蟆肚內封口陰乾每

用墨磨濃在壁上書圈或畫大小口葫蘆蚊

皆飛聚圈中此墨又可敷圍腫毒

終